

ქ. თბილისი

“ 30 ” ივნისი “ 2016 წ.

ერთი მხრივ, სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“ (შემდგომში „შესყიდველი“), წარმოდგენილი მისი გენერალური დირექტორის მოადგილის/გლობალური ფონდის პროგრამების დირექტორის ირმა ხონელიძის სახით და ა(ა)იპ „ზიანის შემცირების საქართველოს ქსელი“, (შემდგომში „მიმწოდებელი“) წარმოდგენილი მისი აღმასრულებელი დირექტორის მოვალეობის შემსრულებლის კახა კვაშილაგას სახით, ვაფორმებთ წინამდებარე ხელშეკრულებას შემდეგზე.

ხელშეკრულების საგანი

შესყიდველმა სახელმწიფო შესყიდვების სააგენტოს თავმჯდომარის 2015 წლის 17 აგვისტოს N13 ბრძანებით დამტკიცებული „გამარტივებული შესყიდვის კრიტერიუმებისა და გამარტივებული შესყიდვის ჩატარების წესი“-ს მე-3 მუხლის პირველი პუნქტის „ბ“ ქვეპუნქტის შესაბამისად და სახელმწიფო შესყიდვების სააგენტოსთან შეთანხმების საფუძველზე (სახელმწიფო შესყიდვების სააგენტოს თავმჯდომარის 2016 წლის 13 ივნისის განკარგულება N1745) გადაუდებელი აუცილებლობით (SMP160001584) განახორციელა „აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის“ (შემდგომში „გლობალური ფონდი“) მიერ დაფინანსებული „საქართველოში აივ/შიდსის პრევენციის, მკურნალობისა და მოვლის ღონისძიებების გაძლიერება და მდგრადობის უზრუნველყოფა“ (გრანტი: GEO-H-NCDC) პროგრამის (შემდგომში „პროგრამა“) „ნარკოტიკების ინექციური გზით მომხმარებლებისთვის აივ პრევენციული სერვისების მიწოდება“ პროექტის (შემდგომში „პროექტი“) ფარგლებში მომსახურების გამარტივებული წესით შესყიდვა (CPV 85100000).

ხელშეკრულების ღირებულება

ხელშეკრულების ღირებულება შეადგენს 466,908.51 (ოთხას სამოცდაექვსი ათას ცხრაას რვა ლარი და 51 თეთრი) ლარს ღღგ-ს გარეშე (შემდგომში „ხელშეკრულების ღირებულება“).

მომსახურების განწვევის პერიოდია 2016 წლის 01 ივლისიდან 2016 წლის 31 აგვისტოს ჩათვლით,

3. ხელშეკრულების ზოგადი დებულებანი.

- 3.1 წინამდებარე ხელშეკრულება და ხელშეკრულების დანართები, რომლებიც ითვლება მის განუყოფელ ნაწილად, ერთად ქმნის მოცემულ ხელშეკრულებას.
- 3.2. შემოადინებულ დოკუმენტებში დაფიქსირებული ყველა მონაცემი, პარამეტრი, ვადები, ტექნიკური და სხვა პირობები, მათ შორის, მხარეთა პასუხისმგებლობის ფორმები წარმოადგენს ამ ხელშეკრულების პირობებს.
- 3.3. მიმწოდებელი იღებს ვალდებულებას განახორციელოს მომსახურება ხელშეკრულების პირობების შესაბამისად.
- 3.4. შესყიდველი იღებს ვალდებულებას წარმოდგენილი ანგარიშებისა და მიღება-ჩაბარების აქტების საფუძველზე დააფინანსოს მიმწოდებლის მიერ პროგრამის ბიუჯეტით გათვალისწინებული მომსახურებები; შეიძინოს, მიიღოს და სარგებლობის უფლებით მიმწოდებელს გადასცეს პროგრამის აქტივები ხელშეკრულების პირობების შესაბამისად.

4. ხელშეკრულების მოქმედების ვადა.

4.1. ხელშეკრულების მოქმედების ვადა განისაზღვრება 2016 წლის 01 ივლისიდან 2016 წლის 30 სექტემბრის ჩათვლით.

„შესყიდველი“

სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრი“

მისამართი:

ქ.თბილისი, ასათიანის ქ. № 9

ს/კ – 211324351

ბ/კ – სახელმწიფო ხაზინა TRESGE22

ა/ა – GE24NB0330100200165022

ირმა ხონელიძე

გენერალური დირექტორის მოადგილე/გლობალური ფონდის პროგრამების დირექტორი

„მიმწოდებელი“

ა(ა)იპ „ზიანის შემცირების საქართველოს ქსელი“

იურიდიული მისამართი :

ქ. თბილისი, ნუცუბიძის 1 მ/რ, კორპუსი #7, ბინა #28

ფაქტიური მისამართი: ქ. თბილისი, შარტავა ქ. #24,

სართული 3, ბინა 6

ს/კ – 205176780

სს „საქართველოს ბანკი“

ბ/კ – BAGAGE22

ა/ა – GE19BG0000000270558300

კახა კვაშილაგა

აღმასრულებელი დირექტორის მოვალეობის შემსრულებელი

ხელშეკრულების პირობები

1. მხარეთა ვალდებულებები

1.1. მიმწოდებელი ვალდებულია:

1.1.1 განახორციელოს პროგრამით გათვალისწინებული ღონისძიებები ხარისხიანად და საორიენტაციო გეგმა-გრაფიკის (დანართი №7) შესაბამისად;

1.1.2 ფლობდეს წინამდებარე ხელშეკრულებით გათვალისწინებული ანგარიშსწორებისთვის ცალკე საბანკო ანგარიშს კომერციულ ბანკში, რომელიც სრულად აკმაყოფილებს ყველა მოქმედ ადგილობრივ და საერთაშორისო საბანკო სტანდარტებს და მარეგულირებელ ნორმებს, მათ შორის კაპიტალის ადეკვატურობის მოთხოვნებს;

1.1.3 აწარმოოს (და უზრუნველყოს, რომ ქვეკონტრაქტორმა აწარმოოს) საბუღალტრო აღრიცხვა (ჩანაწერები, დოკუმენტები და სხვა), რომელშიც დეტალურად ასახულ იქნება პროგრამასთან და მის განხორციელებასთან დაკავშირებით წარმოქმნილი ყველა დანახარჯი და შემოსავალი. პროგრამასთან დაკავშირებული დოკუმენტაცია უნდა ინახებოდეს მიმწოდებელთან (ასევე ქვეკონტრაქტორებთან), ბოლო გადახდის თარიღიდან სულ მცირე შვიდი წლის განმავლობაში, ან უფრო მეტი ხნის განმავლობაში, რომელიც საჭირო იქნება ნებისმიერი პრეტენზიის ან აუდიტის შედეგად გამოვლენილი შედეგების გამოსასწორებლად, ან თუ ამას მოითხოვს გლობალური ფონდი ან შემსყიდველი;

1.1.4 უზრუნველყოს პროგრამის განხორციელების პერიოდში შემსყიდველისგან მიღება-ჩაბარების აქტის საფუძველზე მიღებული (ხელშეკრულების დანართი N4-1 და N4-2) საქონლის (ძირითადი აქტივები, მატერიალური მარაგები, და სხვა) დაცვა/უსაფრთხოება, გასწიოს მათი მოვლისთვის/ექსპლუატაციისთვის საჭირო გონივრული ხარჯები და უზრუნველყოს აქტივების საექსპლუატაციო პირობების სრული დაცვა, იქონიოს (და უზრუნველყოს, რომ ქვე-კონტრაქტორებმა იქონიონ) ხელშეკრულების ფარგლებში გადაცემული ყველა სახარჯი მასალის ხარჯვის ჩანაწერები;

1.1.5 შემსყიდველთან ერთად განსაზღვროს პროგრამით გათვალისწინებული მომსახურების სრულფასოვანი მონოდების უზრუნველყოფისთვის საჭირო აქტივების ჩამონათვალი, რაოდენობა და მიწოდების ოპტიმალური ვადები;

1.1.6 არაადეკვატური ექსპლუატაციით და/ან დაკარგვით მიყენებული ზიანის შემთხვევაში, აუნაზღაუროს შემსყიდველს მიყენებული მატერიალური ზარალი;

1.1.7 გამოიყენოს აქტივები მხოლოდ წინამდებარე ხელშეკრულებით განსაზღვრული მიზნებისათვის;

1.1.8 უზრუნველყოს წინამდებარე ხელშეკრულების ფარგლებში შესყიდული საქონლის ეფექტური და უსაფრთხო ლოჯისტიკა მიწოდების ჯაჭვის ნებისმიერ ეტაპზე;

1.1.9 დროულად აცნობოს შემსყიდველს ნებისმიერი ნაკლი ან/და ხარვეზი, რომელიც გამოჩნდა აქტივების ადეკვატური ექსპლუატაციის შედეგად. იმ შემთხვევაში, თუ მიმწოდებელი შეგნებულად არ უმხელს შემსყიდველს აქტივების შექმნილ ნაკლს ან/და ხარვეზს, მაშინ მიმწოდებელი ვალდებულია სრულად აუნაზღაუროს შემსყიდველს მიყენებული ზარალი;

1.1.10 პასუხისმგებელია წინამდებარე ხელშეკრულების ფარგლებში შესყიდული ნებისმიერი საქონლის (მათ შორის, ქვეკონტრაქტორისთვის გადაცემული) დაკარგვაზე ან დაზიანებაზე. დაკარგვის ან დაზიანებისთანავე მიმწოდებელმა უნდა უზრუნველყოს ასეთი საქონლის შეცვლა საკუთარი ხარჯით;

1.1.11 ხელშეკრულების ვადის გასვლის შემდეგ, ხელშეკრულების ვადამდე შეწყვეტის, ასევე შემსყიდველის მოთხოვნის შემთხვევაში, წერილობითი შეტყობინების მიღებიდან არაუგვიანეს 15 (თხუთმეტი) დღის ვადაში, უპირობოდ დაუბრუნოს შემსყიდველს სარგებლობაში გადაცემული აქტივები და გაუხარჯავი სახარჯი მასალა. აქტივები უნდა დააბრუნოს ტექნიკურად გამართულ მდგომარეობაში, რაზედაც უნდა გაფორმდეს აქტივების დაბრუნების მიღება-ჩაბარების აქტი;

1.1.12 მიიღოს ზომები, რათა არ დაუშვას ხელშეკრულების საფუძველზე მიღებული თანხების, ან აქტივების გამოყენება ძალადობის და/ან ტერორიზმის მიზნებისთვის ან ფულის გათვრების საქმიანობების მხარდასაჭერად, და/ან იმ ორგანიზაციების მხარდასაჭერად, რომლებიც მხილებულნი არიან ტერორიზმის ან ფულის გათვრების საქმიანობაში. მიმწოდებელი ვალდებულია დაიცვას გლობალური ფონდის (დონორის მიერ პერიოდულად განახლებადი და გლობალური ფონდის ვებ. გვერდზე <http://www.theglobalfund.org/en/operational> განთავსებული) „ქცევის კოდექსი გლობალური ფონდის სახსრების რეციპიენტებისთვის“ და უზრუნველყოს მისი გაცნობა ქვეკონტრაქტორებისთვის (დანართი 8).

1.1.13 მიმწოდებელი ვალდებულია იხელმძღვანელოს და დაიცვას გლობალური ფონდის გრანტების შესახებ მარეგულირებელი ნორმები (2014), რომელიც თან ერთვის წინამდებარე ხელშეკრულებას და წარმოადგენს მის

განუყოფელ ნაწილს (დანართი N 9).

1.1.14 მიმწოდებელმა უნდა უზრუნველყოს, რომ მან და მისმა ქვეკონტრაქტორებმა გლობალური ფონდის, მათ შორის გენერალური ინსპექტორატის წარმომადგენლებს და გლობალური ფონდის მიერ უფლებამოსილ მესამე მხარეს მისცენ შეუზღუდავი წვდომის უფლება შემდეგზე: (ა) საბუღალტრო წიგნები, ჩანაწერები, დოკუმენტები და წინამდებარე ხელშეკრულებასთან დაკავშირებული სხვა მტკიცებულებანი (ფინანსური და პროგრამული), რომელსაც მიმწოდებელი აწარმოებს პროგრამასთან დაკავშირებით; (ბ) მიმწოდებლის და ყველა ქვეკონტრაქტორის შენობა-ნაგებობებში, სადაც პროგრამასთან დაკავშირებული საბუღალტრო წიგნები და ჩანაწერები ინახება და/ან პროგრამული ღონისძიებები ხორციელდება ან ხორციელდებოდა; (გ) მიმწოდებელმა უნდა უზრუნველყოს, რომ ყველა ქვეკონტრაქტორთან დადებული ხელშეკრულება შეიცავდეს ამ პუნქტში განსაზღვრულ შეუზღუდავი წვდომის უფლებას. შეუზღუდავი წვდომის უფლების დარღვევა განიხილება ამ ხელშეკრულების პირობების დარღვევად.

1.2. შემსყიდველი ვალდებულია:

- 1.2.1. წინამდებარე ხელშეკრულების შესაბამისად, უზრუნველყოს ადეკვატური და დროული ანგარიშსწორება.
- 1.2.2. უზრუნველყოს მიმწოდებელი ხელშეკრულებით გათვალისწინებული აქტივებით (დანართი N4-1 და N4-2);
- 1.2.3. უზრუნველყოს მიმწოდებლის დროული ინფორმირება გლობალური ფონდის პროგრამის ფარგლებში განსახორციელებელი ცვლილებების თაობაზე. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა აღნიშნული ცვლილებების განხორციელების აუცილებლობა.

2. ხელშეკრულების შესრულების კონტროლი

2.1 ხელშეკრულების შესრულების კონტროლს და პროგრამის მონიტორინგს ახორციელებს შემსყიდველის მიერ შექმნილი ინსპექტორებისა და მონიტორინგის ჯგუფი

2.2 ინსპექტირება:

- ა) შესყიდვის ობიექტის მიღება-ჩაბარებისთვის შემსყიდველი განახორციელებს განუყოფელი მომსახურების ინსპექტირებას;
- ბ) ინსპექტირება განხორციელდება ყოველთვიურად, მიმწოდებლის მიერ შემსყიდველისათვის წარუდგენილი ანგარიშების/დოკუმენტაციის განხილვის საფუძველზე;
- გ) ინსპექტირების ჯგუფის მიერ მომზადებული დასკვნის საფუძველზე მხარეთა შორის ფორმდება მიღება-ჩაბარების აქტი.

2.3 მონიტორინგი:

- ა) შემსყიდველი იტოვებს უფლებას განახორციელოს პროგრამულ/ფინანსური ნაწილის კვარტალური მონიტორინგი ადგილზე ვიზიტის საფუძველზე (როგორც მიმწოდებელთან, ასევე მის ქვეკონტრაქტორებთან); ბ) მონიტორინგის განხორციელებელი ჯგუფი ვალდებულია აცნობოს მიმწოდებელს მონიტორინგის შედეგები;
 - გ) მიმწოდებელი ვალდებულია უმოკლეს ვადაში საკუთარი ხარჯებით უზრუნველყოს ინსპექტირების/მონიტორინგის შედეგად გამოვლენილი ყველა დეფექტის ან ნაკლის აღმოფხვრა, მათი არსებობის შემთხვევაში;
 - დ) მიმწოდებლის მიერ წარუდგენილი ყველა დოკუმენტის დედანი (ხოლო ქვეკონტრაქტორებისგან მიღებული დოკუმენტაციის ასლი) სავალდებულოა ინახებოდეს მიმწოდებელთან (ქვეკონტრაქტორებთან უნდა ინახებოდეს მათ მიერ მიმწოდებლისთვის წარუდგენილი დოკუმენტაციის დედანი) და მოთხოვნის შემთხვევაში წარუდგინოს შემსყიდველს;
 - ე) პროგრამის ინდიკატორების შესრულების მონიტორინგის მიზნით მიმწოდებელი შემსყიდველს, მოთხოვნის შესაბამისად, წარუდგენს სათანადო ინფორმაციას (დანართი N1ბ).
- 2.4 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე.

3 მომსახურების განხორციელების პირობები (გეგმა-გრაფიკი)

3.1 პროგრამით გათვალისწინებული მომსახურება ხორციელდება 2016 წლის 01 ივლისიდან 2016 წლის 31 აგვისტოს ჩათვლით, შეთანხმებული საორიენტაციო გეგმა-გრაფიკის (ხელშეკრულების დანართი N7) მიხედვით.

აუცილებლობის შემთხვევაში, მხარეები ერთობლივად თანხმდებიან გეგმა- გრაფიკის ცვლილების საკითხზე.

4. დაზღვევა

4.1 მიმწოდებელმა გონივრულ ფასად უნდა უზრუნველყოს, შემსყიდველის სასარგებლოდ, პროგრამის განხორციელებისათვის გამოყენებული აქტივების დაზღვევა, ბიუჯეტით ამ დანიშნულებით გათვალისწინებული თანხების ფარგლებში, კარგი რეპუტაციის მქონე, სტაბილურ სადაზღვევო კომპანიებში. დაზღვევის არ არსებობის შემთხვევაში, გადაცემულ აქტივებზე სრული პასუხისმგებლობა ეკისრება მიმწოდებელს.

5. შესრულებული სამუშაოს მიღება-ჩაბარების წესი

5.1 მიმწოდებელი შემსყიდველს, დადგენილი ფორმით ყოველი მომდევნო თვის 10 სამუშაო დღის განმავლობაში წარუდგენს ყოველთვიურ ანგარიშს ხელშეკრულების ფარგლებში განხორციელებული ღონისძიებების შესახებ, რომელსაც თან უნდა ახლდეს ხარჯების დამადასტურებელი პირველადი დოკუმენტაციის ასლები, ამონაწერი მომსახურე ბანკიდან და ბრუნვითი უწყისი. ანგარიში შემსყიდველს წარედგინება როგორც ნაბეჭდი, ასევე ელექტრონული ფორმით ქართულ ენაზე;

5.2 შემსყიდველი მიმწოდებლის მიერ წარმოდგენილ ყოველთვიურ ანგარიშს დადგენილი ფორმით განიხილავს წარმოდგენიდან 10 (ათი) კალენდარული დღის განმავლობაში.

5.3 შესრულებული სამუშაო მიღებულად ჩაითვლება ამ მუხლის 5.1 პუნქტის შესაბამისად წარმოდგენილი ანგარიშისა და წინამდებარე ხელშეკრულების 2.1 პუნქტით განსაზღვრული ინსპექტირების ჯგუფის მიერ მომზადებული ინსპექტირებისა და მიღება-ჩაბარების აქტების (დანართი N3) გაფორმების საფუძველზე;

5.4 შემსყიდველი უფლებამოსილია შეცვალოს ინფორმაციის წარმოდგენისა და ანგარიშების ფორმები, რის შესახებაც 15 (თხუთმეტი) დღით ადრე წერილობით უნდა აცნობოს მიმწოდებელს.

6. სტანდარტები

6.1 მიმწოდებელი ვალდებულია მომსახურების განხორციელებისას იხელმძღვანელოს საერთაშორისოდ აღიარებული და/ან ქვეყანაში მოქმედი სტანდარტებით;

6.2 მიმწოდებელი ვალდებულია შემსყიდველის მხრიდან შეტყობინების მიღებისთანავე განახორციელოს არაჭეროვნად შესრულებული ღონისძიებების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების განწვევის გარეშე;

6.3 მიმწოდებლის მიერ, 6.2 მუხლით გათვალისწინებული ვალდებულების შესრულებლობის შემთხვევაში შემსყიდველს უფლება აქვს თვითონ მიიღოს ზომები პროგრამის განხორციელებისას წარმოქმნილი ხარვეზების გამოსწორებისათვის და დააკავოს შესაბამისი ხარჯები ხელშეკრულების თანხიდან.

7. ხელშეკრულების ღირებულება

7.1 ხელშეკრულების ღირებულება შეადგენს 466,908.51 (ოთხას სამოცდაექვსი ათას ცხრაას რვა ლარი და 51 თეთრი) ლარს ღღ-ის გარეშე. პროგრამის ბიუჯეტის პარამეტრები წარმოდგენილია დანართი N5-ში;

7.2 შემსყიდველი მიმწოდებელს დამატებით უზრუნველყოფს მომსახურების გასაწევად აუცილებელი საქონლით (დანართები N4-1, N4-2).

7.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

7.4 ცვლილების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია, წინამდებარე ხელშეკრულების მე-10 მუხლის თანახმად.

8. ანგარიშსწორების პირობები

8.1 ანგარიშსწორება განხორციელდება უნაღლო ანგარიშსწორებით, ეროვნულ ვალუტაში (ლარი).

8.2 ანგარიშსწორება განხორციელდება ფაქტიურად განული მომსახურების და ამ მომსახურებაზე წარმოდგენილი წინამდებარე ხელშეკრულების დანართი N 3-ის, მიღება-ჩაბარების აქტის შესაბამისად.

8.3 შემსყიდველის მიერ ყოველი თვის განული მომსახურების ანაზღაურება განხორციელდება მიღება-ჩაბარების აქტის გაფორმებიდან არაუგვიანეს 5 (ხუთი) სამუშაო დღის განმავლობაში;

8.4 მიმწოდებლის მიერ წინასწარი ანგარიშსწორების მოთხოვნის შემთხვევაში, შემსყიდველი უფლებამოსილია მოახდინოს წინასწარი ანგარიშსწორება, არაუმეტეს სახელშეკრულებო ღირებულების 10%-ის ოდენობით. ამასთან



მიმწოდებელი ვალდებულია წარუდგინოს შემსყიდველს შესაბამისი თანხის იდენტური ოდენობის საბანკო გარანტია; 8.5 საბანკო გარანტია უნდა შეიცავდეს გარანტიის გამცემის ვალდებულებას შემსყიდველის მიერ მიმწოდებლისთვის წინასწარ ავანსად გაცემული თანხის აღნიშნული ხელშეკრულების პირობების შესრულებისგან განსხვავებული მიზნებისათვის გამოყენების ფაქტების გამოვლენის შემთხვევაში, შემსყიდველს მისი პირველივე მოთხოვნისთანავე გადაურიცხოს გარანტიით განსაზღვრული თანხა.

8.6 მიმწოდებლის მიერ წარმოდგენილი წინასწარი ანგარიშსწორების საბანკო გარანტიის მოქმედების ვადა 30 (ოცდაათი) დღით უნდა აღემატებოდეს ხელშეკრულების მოქმედების ვადას. იმ შემთხვევაში თუ წარმოდგენილი გარანტიის ვადა ნაკლებია ზემოაღნიშნულზე, მიმწოდებელი ვალდებულია გაახანგრძლივოს გარანტიის მოქმედების ვადა შემსყიდველის მოთხოვნისთანავე;

8.7 მიმწოდებლის მიერ ნაკისრი ვალდებულების შესრულებლობის შემთხვევაში საბანკო გარანტია გამოყენებული იქნება მიმწოდებლის მიერ შესრულებული ვალდებულების ასანაზღაურებლად;

8.8 წინამდებარე ხელშეკრულების 8.4 პუნქტით გათვალისწინებული ვალდებულების შესრულების და მიმწოდებლის წერილობითი მოთხოვნის საფუძველზე შემსყიდველი არაუგვიანეს 10 (ათი) კალენდარული დღის ვადაში გადაურიცხავს მიმწოდებელს შესაბამისი ოდენობის თანხას;

8.9 პროგრამის ბიუჯეტით გათვალისწინებული ღონისძიებების დაფინანსების გარდა თანხების სხვა მიზნით გამოყენება (თუნდაც დროის მცირე მონაკვეთში) დაუშვებელია. მკაცრად იკრძალება ნებისმიერი საშუალებით თანხების გადარიცხვა, გადახდა, გადაცემა ან კონვერტაცია;

ა) მესამე მხარესთვის, რომელიც უშუალოდ არ არის დაკავშირებული პროგრამის და ამ ხელშეკრულების განხორციელებასთან;

ბ) ღონისძიებებისთვის, რომლებიც პროგრამის უშუალო მხარდაჭერას არ უკავშირდება;

8.10 შემსყიდველი უფლებამოსილია მიმართოს ამ ხელშეკრულების შეწყვეტის ან შეზღუდვების გამოყენების უფლებას სახელშეკრულებო თანხების ნებისმიერი ტრანზაქციის შემთხვევაში, რომელიც ამ ხელშეკრულების 1.1.13 ან 8.9 მუხლების პირობების დარღვევით შესრულდება (შემდგომში „არასანქცირებული ტრანზაქცია“);

8.11 მიმწოდებელს ეკისრება სრული პასუხისმგებლობა, ფინანსური და სხვა, არასანქცირებული ტრანზაქციით გამოწვეულ ზარალზე, და უნდა აუნაზღაუროს შემსყიდველს არასანქცირებული ტრანზაქციით გამოწვეული ზარალის ან მიღებული შემოსავლის ოდენობა.

9. გადასახადები

9.1 მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელის გადახდაზე.

10. ხელშეკრულებაში ცვლილებების შეტანა

10.1 შემსყიდველის მიერ შესაძლებელია ხელშეკრულებაში შეტანილ იქნას ცვლილებები აივ ინფექციის/შიდსის, ტუბერკულოზისა და მალარიის წინააღმდეგ ბრძოლის გლობალური ფონდის (The Global Fund to Fight AIDS, Tuberculosis and Malaria) მოთხოვნების შესაბამისად;

10.2 თუ რაიმე წინასწარ გაუთვალისწინებელი მიზეზის გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულება იმ გარემოებებთან დაკავშირებით, რომელთა გამოც წარმოიშვა ხელშეკრულების პირობების შეცვლის აუცილებლობა;

10.3 ხელშეკრულების დანართი №5-ში (პროგრამის ბიუჯეტი), ერთი საბიუჯეტო ხაზის ფარგლებში დაფიქსირებული თანხების გადანაწილება და დანართი №10-ით განსაზღვრული პროგრამის განხორციელებაში ჩართული სატრანსპორტო საშუალებების სანგავის საშუალო თვიური ხარჯის გაზრდა ან/და შემცირება შესაძლებელია განხორციელდეს შემსყიდველთან წერილობითი შეთანხმების საფუძველზე, ხელშეკრულების ცვლილების გარეშე.

10.4 წინამდებარე ხელშეკრულების 10.3 პუნქტში გათვალისწინებული შემთხვევების გარდა, ხელშეკრულების პირობების ნებისმიერი ცვლილება, უნდა გაფორმდეს ხელშეკრულების შეთანხმების სახით, რომელიც ჩაითვლება ხელშეკრულების განუყოფელ ნაწილად“.

11. უფლებების გადაცემა

11.1 მიმწოდებელს არა აქვს უფლება მთლიანად ან ნაწილობრივ გადასცეს მესამე პირს ამ ხელშეკრულებით



გათვალისწინებული უფლება-მოვალეობანი, გარდა ქვეკონტრაქტორისა.

11.2 აქტივების, ვალდებულებების ან უფლება-მოვალეობების ქვეკონტრაქტორებისთვის გადაცემის შემთხვევაში მიმწოდებელი ვალდებულია შეატყობინოს შემსყიდველს.

12. მიმწოდებლის („სუბ-სუბრეციპიენტი“) ქვე კონტრაქტორი („სუბ-სუბრეციპიენტი“)

12.1 „სუბ-სუბრეციპიენტი“ ნიშნავს მიმწოდებლის ქვე-კონტრაქტორ იურიდიულ ან ფიზიკურ პირს, რომელიც უზრუნველყოფს წინამდებარე ხელშეკრულებით გათვალისწინებული კონკრეტული ღონისძიებების განხორციელებას;

12.2 ამ ხელშეკრულების ფარგლებში დასადები ყველა ხელშეკრულება მიმწოდებელსა და მის ქვე-კონტრაქტორს შორის უნდა გაფორმდეს წერილობითი სახით;

12.3 იმ შემთხვევაში, თუ ხელშეკრულების შესრულების პროცესში ნარმოიშობა ახალ ქვე-კონტრაქტორთან ხელშეკრულების დადების და/ან ქვე-კონტრაქტორის შეცვლის აუცილებლობა, მიმწოდებელმა წინასწარ წერილობით უნდა აცნობოს შემსყიდველს ზემოაღნიშნულის შესახებ და მიიღოს მისგან წერილობითი თანხმობა;

12.4 ამ ხელშეკრულების ფარგლებში ქვე-კონტრაქტორთან დადებული ყველა ხელშეკრულების ასლი უნდა წარედგინოს შემსყიდველს;

12.5 ამ ხელშეკრულების ფარგლებში, ქვე-კონტრაქტორთან დადებული ხელშეკრულებით გათვალისწინებული ვალდებულების შეუსრულებლობა არ ათავისუფლებს მიმწოდებელს ხელშეკრულებით ნაკისრი ვალდებულებებისაგან.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წაანყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიღებმა მხარემ უმოკლეს დროში უნდა აცნობოს მეორე მხარეს თავისი გადაწყვეტილება აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, აღნიშნული უნდა განხორციელდეს ხელშეკრულებაში ცვლილების შეტანის გზით.

14. ხელშეკრულების პირობების შეუსრულებლობა

14.1 მიმწოდებლის მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში, გარდა ფორს-მაჟორული პირობებისა, შემსყიდველი უფლებამოსილია გამოიყენოს ხელშეკრულების ამ პუნქტით გათვალისწინებული სანქციები;

14.2 ხელშეკრულებით გათვალისწინებული ვალდებულებების დარღვევის შემთხვევაში, შემსყიდველი მიმწოდებელს დააკისრებს პირგასამტეხლოს, ვალდებულების შესრულების ყოველ გადაცილებულ დღეზე შეუსრულებელი აქტივობის ღირებულების 0.1%-ის ოდენობით.

14.3 ხელშეკრულების 8.3 და 8.8 პუნქტით განსაზღვრული ვადების დარღვევის შემთხვევაში შემსყიდველს ეკისრება პირგასამტეხლო ყოველ გადაცილებულ დღეზე გადასახდელი თანხის 0.1%-ის ოდენობით.

14.4 მიმწოდებლის მხრიდან წინამდებარე ხელშეკრულების 8.9 პუნქტის პირობების შეუსრულებლობის შემთხვევაში, მიმწოდებლის მიერ გახარჯული თანხა არ ანაზღაურდება;

14.5 მიმწოდებელი ვალდებულია ამ მუხლით გათვალისწინებულ შემთხვევაში დაკისრებული პირგასამტეხლო გადაიხადოს წერილობითი შეტყობინების მიღებიდან 30 (ოცდაათი) დღის განმავლობაში.

14.6 შემსყიდველის მიერ მიმწოდებლისათვის დაკისრებული პირგასამტეხლო არ შეიძლება გადახდილ იქნას წინამდებარე ხელშეკრულებით გათვალისწინებული თანხებიდან.

15. ხელშეკრულების შესრულების გარანტია

15.1 შემსყიდველი ორგანიზაციის გადაწყვეტილებით, „გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის დამტკიცების თაობაზე“ სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული წესის 11-ე მუხლის მე-2 პუნქტის საფუძველზე, მიმწოდებელს ხელშეკრულების შესრულების უზრუნველყოფის გარანტიის წარმოადგენა არ მოეთხოვება.

16. ხელშეკრულების შეწყვეტა

16.1 შემსყიდველს მიმწოდებლისთვის წერილობითი შეტყობინების გაგზავნის საფუძველზე შეუძლია შეწყვიტოს ან



შეაჩეროს წინამდებარე ხელშეკრულება მთლიანად ან ნაწილობრივ, თუ მისთვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას. ამ ხელშეკრულების ნებისმიერი ნაწილი, რომელიც არ შეწყდა ან შეჩერდა, ძალაში უნდა დარჩეს;

16.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;

16.3 ხელშეკრულების შეწყვეტა ხელშეკრულების პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

17. ფორს-მაჟორი

17.1 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული რომელიმე მხარის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, დონორის დაფინანსების მკვეთრი შემცირებით ან შეწყვეტით და სხვა;

17.2 ხელშეკრულების პირობების ან რომელიმე მათგანის მოქმედების შეჩერება, ფორს-მაჟორული გარემოებების დადგომის გამო, არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს სანქციების გამოყენებას;

17.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

18. სადაო საკითხების გადაწყვეტა

18.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი მოლაპარაკებების გზით მოაგვარონ ნებისმიერი უთანხმოება და დავა წარმოქმნილი მათ შორის დადებული ხელშეკრულების ან მასთან დაკავშირებული საკითხების ირგვლივ;

18.2 თუ ასეთი მოლაპარაკების განმავლობაში მხარეები ვერ შესძლებენ სადაო საკითხების შეთანხმებას, მხარეებს დავის გადაწყვეტის მიზნით შეუძლიათ იმოქმედონ საქართველოს კანონმდებლობით დადგენილი წესით.

19. აუდიტი

19.1 შემსყიდველი ხელშეკრულებით გათვალისწინებული ღონისძიებების შეფასების და შესაბამისი თანხების ხარჯვის კონტროლის მიზნით უფლებამოსილია განახორციელოს მიმწოდებლის და მისი ქვეკონტრაქტორის აუდიტი და/ან ფინანსური შემოწმება, სასამართლო აუდიტი ან შეფასება, ან განახორციელოს სხვა ქმედება, რომელსაც ის საჭიროდ მიიჩნევს პროგრამის მსვლელობის დროს;

19.2 მიმწოდებელი ვალდებულია შემსყიდველის მიერ შერჩეულ აუდიტორულ კომპანიას მიანოდოს მისი საქმიანობისთვის საჭირო ინფორმაცია, დოკუმენტაცია, ხელი შეუწყოს საქმიანობაში და უზრუნველყოს შესაბამისი პირობებით განახორციელოს პროგრამის ფარგლებში შემსყიდველისგან მიღებული დაფინანსების და განუელი დანახარჯების, შემსყიდველისგან მიღებული მატერიალური ფასეულობების და მარაგების ხარჯვის აუდიტი.

20. სხვა პირობები

20.1 ხელშეკრულება შედგენილია ქართულ ენაზე, 3 (სამი) ეგზემპლარად და თითოეულ მათგანს გააჩნია თანაბარი იურიდიული ძალა. ხელშეკრულების ორი ეგზემპლარი ინახება შემსყიდველთან, ერთი ეგზემპლარი მიმწოდებელთან;

20.2 ნებისმიერი ოფიციალური ურთიერთობა ხელშეკრულების დამდებ მხარეებს შორის გახორციელდება წერილობითი ფორმით ქართულ ენაზე.

20.3 მხარეები ხელმძღვანელობენ ურთიერთპატივისცემის პრინციპით და თანამშრომლობის გარმაგების



სურვილით;

20.4 ხელშეკრულების მხარეები ვალდებულნი არიან გაუფრთხილდნენ თითოეულის სახელს, საქმიან რეპუტაციას და ღირსებას;

20.5 მხარეები ვალდებულნი არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია;

20.6 ხელშეკრულების მხარეებს არა აქვთ უფლება გააკეთონ განცხადება მეორე მხარის მიერ ხელშეკრულების ვერ ან არ შესრულების, მისი შესრულებისას დარღვევების და ა. შ. თუ წინასწარ არ მოხდა შესაბამისი საკითხის ერთობლივი შესწავლა და შესაბამისი ფაქტების დადასტურება;

20.7 კონფიდენციალობის დარღვევად არ ჩაითვლება შემთხვევა, როდესაც ინფორმაციის გამჟღავნება წარმოადგენს კანონის ან კანონის საფუძველზე ხელისუფლების რომელიმე ორგანოს მიერ გამოცემული აქტის მოთხოვნას.



ხელშეკრულების დანართები:

ხელშეკრულებას თან ახლავს დანართები, რომლებიც ხელშეკრულების განუყოფელი ნაწილია;

დანართი N1 ა (შესრულებული სამუშაოების სიტყვიერი ანგარიშის ფორმა);

დანართი N1 ბ (პროგრამის მიმდინარეობის მონიტორინგის ინდიკატორები)

დანართი N2 (ფორმა N1 - ყოველთვიური ხარჯების ჩამონათვალი, ფორმა N2 - ფინანსური ანგარიშგების ფორმა, ფორმა N3ა - სახარჯი მასალების აღრიცხვის ფორმა, ფორმა N3ბ - სანვავის ხარჯის აღრიცხვის ფორმა, ფორმა N4 - ხარჯების ფინანსური აღრიცხვა კატეგორიების მიხედვით);

დანართი N3 (შესრულებული სამუშაოების მიღება-ჩაბარების აქტი);

დანართი N4-1 (შემსყიდველის მიერ მომსახურების განსახორციელებლად მიმწოდებელზე გადასაცემი ძირითადი და მცირეფასიანი აქტივების ჩამონათვალი);

დანართი N4-2 (შემსყიდველის მიერ მომსახურების განსახორციელებლად მიმწოდებელზე გადასაცემი მედიკამენტებისა და სახარჯი მასალების ჩამონათვალი);

დანართი N5 (პროგრამის ბიუჯეტი);

დანართი N6 (ტექნიკური მიდგომა და მეთოდოლოგია);

დანართი N7 პროგრამის განხორციელების საორიენტაციო გეგმა-გრაფიკი;

დანართი N8 ქცევის კოდექსი გლობალური ფონდის სახსრების რეციპიენტებისთვის. იხ. <http://www.theglobalfund.org/en/operational>;

დანართი №9 გლობალური ფონდის გრანტების მარეგულირებელი ნორმები (2014);

დანართი №10 პროგრამის განხორციელებაში ჩართული სატრანსპორტო საშუალებების ნუსხა და ინფორმაცია სანვავის ლიმიტების შესახებ;

დანართი №11 საბიუჯეტო კატეგორიების ნუსხა გლობალური ფონდის გრანტის ბიუჯეტირების სახელმძღვანელოს მიხედვით

